


1 + 1

Կայք էջ՝ 1u1.am



ԳԵՂԱՐՔՈՒՆԻՔԻ ԳՅՈՒՂԻ ՄԻՋՆԱԿԱՐԳ ԴՊՐՈՑԻ ՄԱՐԶԱՅԻՆ ԹԵՐԹ 27 ԴԵԿՏԵՄԲԵՐԻ 2020թ. թիվ 11 (21)

ՈՒՋՈՒՄ ԵՍ ԽՂՂՂՈՒՄԻՅՈՒՆ, ՊԱՏՐՎԱՏՎԻՐ ՊԱՏԵՐՎՁԱՒ

ՎԱՐԴԵՆԻԿԻ ՀԵՐՈՍՆԵՐԸ



ԱՐՍԵՆ

ոգին թողեցին իրենց հարազատներին. նրանք շարունակում են իրենց պապերի գործը. փառք ու պատիվ մեր հերոսներին՝

Աբրոյան Արսեն Ռուբիկի Արշակյան Տիգրան Խաչիկի Ավետիսյան Հարութ Աշոտի Մինասյան Արմեն Սմբատի Օհանյան Վահան Սուրիկի Գևորգյան Հակոբ Ասատուրի Այվազյան Արտաշես Ռուստամի Մխոյան Սերգեյ Լյուդվիգի Ալաշկերտ գավառի Ուրուբենդ գյուղից Վարդենիկ գաղթած Աբրոյանների տոհմը նորից պայքարի ելավ հայրենիքի պաշտպանության համար: Ռուբիկ և Անժելա Աբրոյանների որդին՝ Արսենը, զորակոչվել էր հայոց բանակ և իր պարտքն էր կատարում Մեղրիի տարածաշրջանի Ազարակի զորամասում: Մասնակցել է հայ-ադրբեջանաթուրքական պատերազմին: Մայրը՝ տիկին Անժելան, արցունքները խեղդելով պատմում էր հերոս որդու մասին, նշում էր, որ նա տարբերվում էր մյուսներից, հարգում էր մեծերին, աշխատասեր էր, լսող և շատ խելացի: Արսենը, երբ 7 տարեկան է լինում, վայր է ընկնում և վնասում բրոնխատար անոթները:

չի ասում, այդ մասին տեղյակ են լինում Տիգրանից, ով իրենց հարևանն էր և Արսենի գինակից ընկերը:

Ձինակից ընկերների պատմելով՝ նա խելացի գինվոր էր, պատվով էր կատարում իրեն տրված բոլոր առաջադրանքները, լավ նոսրանետորդ էր, տիրապետում էր հինգ մարտական զենքի: Պատերազմի հենց առաջին օրվանից նրան Ազարակից տեղափոխում են Ջաբրայիլ, բայց նա մեծակ չէր, ինչպես գյուղում և նաև զորամասում, նրա հետ էր իր անբաժան ընկերը՝ Տիգրանը: Նրանք անբաժան էին և միշտ պատվով էին դուրս գալիս ցանկացած առաջադրանքից: Երբ գինվորներին հայտնում են պատերազմի լուրը և բացատրում, որ իրենք նույնպես պետք է մեկնեն առաջնագիծ, Տիգրանը և Արսենը ինքնակամ դուրս են գալիս շարքից և հայտնում իրենց պատրաստակամ լինելու մասին: Ընտանիքի անդամներին չեն ասում, որ իրենք առաջնագծում են, երբ հոկտեմբերի 7-9-ը ընկած ժամանակահատվածում լուր չեն ունենում, մայրական բնազդը և իրավիճակի լարվածությունը մտահոգվելու տեղիք էին տալիս: Առաջնագծում երեք օր կատաղի մարտերում կռվել են թուրքերի և ահաբեկիչների դեմ:

Վարդենիկ գյուղը գտնվում է Հայաստանի Հանրապետության Գեղարքունիքի մարզում, Սեւանա լճի հարավային ափին, Վարդենիսի լեռնաշղթայի ստորոտում: Գյուղական բնակչության քանակով համարվում է երկրորդը մեր հանրապետությունում, Ներքին գետաշենից հետո: 1828 թվականին Արևմտյան Հայաստանի Ալաշկերտ, Սասուն և Սուշ գավառներից գաղթած մեր հայրենակիցները հիմնել են գյուղը: Համայնքը պետության զարգացմանը նպաստում է ոչ միայն մշակույթի, գյուղատնտեսության, անասնապահության կամ տնտեսական աճի ոլորտներում, այլ նաև՝ հայրենիքի պաշտպանության գործում:

1992-1994 թվականների Արցախյան առաջին պատերազմի ժամանակ հայոց բանակի շարքերում թշնամու դեմ մաքառեցին վարդենիկցի բազմաթիվ քաջորդիներ՝ իրենց անունները փառքով պսակելով ռազմաճակատների տարբեր հատվածներում: Վարդենիկցի կամավորների ջոկատը հպարտորեն կրում էր «Գալափաշտ» անվանումը: Վարդենիկցիներն աչքի ընկան նաև Ապրիլյան քառօրյա պատերազմի ժամանակ:

2020 թվականի սեպտեմբերի 27-ի հայ-ադրբեջանաթուրքական պատերազմի մասնակցությանը անմասն չմնացին Վարդենիկի զավակները, ովքեր հայրենիքին իրենց պարտքը կատարելիս և սխրանքներ գործելիս անմահացան, իրենց երազանքները կիսատ թողեցին, բայց պայքարելու հզոր

երբ ուշքի է գալիս, տեսնում է, որ մայրը լաց է լինում, ինքը փորձում է հանգստացնել մորը, սրբում է արցունքները, թեև զգում է, որ իր ծայնը տարօրինակ է: Մայրը երբեք չի մոռանում Արսենի խոսքերը. ասում էր. «Ուզում եմ խելոք մնալ, բայց չեմ կարողանում»: Սիրում էր զբաղվել սպորտով, ապագա բռնցքամարտիկ էր, բայց թողնում է սպորտով զբաղվելը և որոշում է օգնել ծնողներին:

Շատ տնտեսական տղա էր. այդպես են բնորոշում նրան թե՛ ընտանիքի անդամները, թե՛ մանկավարժները: Գիշտ է, դպրոցը գերազանցությամբ չի ավարտել, բայց ունեցել է բազմաթիվ շնորհներ: Նրա մասին մեծ հիացմունքով է խոսում Վարդենիկի 1 հիմնական դպրոցի տնօրեն Թաթուլ Ալոյանը: Նա միշտ զարմացել է Արսենի ռազմահայրենասիրության վրա, պատմում է, որ ՆԶՊ-ի դասալսումների ժամերին նա միշտ զարմացրել է իր ռազմական գիտելիքներով և պատրաստվածությամբ: Մինչ կայրվել լուցկու հատիկը, նա քանդում, հավաքում էր զենքը. դա նրա հոբբին էր:

Տիկին Անժելան պատմում է, որ երբ Սիսիանում մասնակցում է զինավարժությունների և զբաղեցնում առաջին տեղը, ծնողներին



ՏԻԳՐԱՆ

/շարունակությունը՝ էջ 2-ում/

ԻՆՉՈՒ ԵՆՔ ՄԵՆՔ ԱՅԴՔԱՆ ՀԱՎԱՏՈՒՄ ԽՈՍՔԻՆ, ԻՍԿ ԵԹԵ ԱՅՆ ՕՏԱՐՆ Է ԱՍՈՒՄ, ՀԱՎԱՏՈՒՄ ԵՆՔ ԵՌԱԿԻ

Պատկերացրե՛ք՝ մենք բրինձ ենք կամ ձավար: Մեզ չեն հարցնում, թե մեզանից ինչ են պատրաստելու, կամ էլ մենք այնքան անգրագետ ենք, որ չենք ուզում հավատալ, թե ինչ կարող են մեզանից պատրաստել: Մեզ վրանում են և լցնում քրի մեջ, մեզ եռացնում են ամանի մեջ լցնելով կարտոֆիլ, կաղամբ, գազար և հազար ու մի տարբեր համեմունքներ: Մեկ է, մենք դեռ չգիտենք, թե ինչ են մեզանից պատրաստում. երբ մենք և մեր նմանները եփվում են, ավելացվում է սոխեռած, և մենք դառնում ենք համով ապուր: Երբ մոտենում է ճաշի ժամանակը, սեղանի մոտ հավաքվում են մեր բարեկամները և թշնամիները՝ մեզանից անկախ: Մատուցողը շերտփով խառնում է ապուրը և ամեն մեկին իր հայեցողությամբ լցնում նրանց ափ-

սեն, մեկին շատ բրինձ է պետք, մյուսին՝ շատ կարտոֆիլ, իսկ մյուսին՝ շատ գազար: Մենք, գտնվելով ավիսների մեջ, նոր ենք հասկանում, թե ում բաժին ենք և ինչի հասանք, սկսում ենք ծչալ, բայց, ցավոք, սեղանակիցները զբաղված են իրենց գործով, նրանք այդ ճիչը համարում են որպես շնորհակալության նշան, որ մենք արժանացել ենք պատվի: Իսկ այդ թանձր շերտով բրինձը, որը նստած է կաթսայի հատակին, ունակ չէ լսելու այդ ճիչը, քանի որ ապահով նստած է կաթսայի հատակին և հուսով է, որ լավ մարդու բաժին կդառնա: Գաշի ամանի միջի թերմացքը լցնելով մնացած մասսայի վրա լցնում են ամանի մեջ և տալիս անտուն շնորհին: Շնորհ մեծ գոհունակությամբ ուտում են մնացորդները՝ և լպստում կեղտոտ ամանները՝ մտ-

վի սպասելով մյուս անգամվան: Մենք, տեսնելով շնիկի հրճվանքը, ոգևորվում ենք. վերջապես ինչ-որ մեկին պետք եկանք ի սրտե: Եվ կենտրոնացնում ենք մեր ունեցած գիտական և մտավոր հնարավորությունները, սկսում ենք ստեղծել տարբեր գույնի բրինձներ, քանդակում ենք բրնձի հատիկների վրա, որ ավելի շատ դուր գանք շնորհին: Անցնում են հարյուրամյակները, բայց այդպես էլ հավատացել ենք սուտ ու քաղցր խոսքին և զոհաբերվել անսանձ արարածների համար: Հարգելի՛ ուսուցիչներ և ծնողներ, աշխարհը շատ է փոխվել, պետք չէ երեխաներին դարձնել այնպիսին, ինչպիսին դուք եք, պետք է որ նրանք սովորեն և առաջ շարժվեն աշխարհի առաջադեմ կրթական համակարգով / Սկանդինավյան երկրների,

Անգլիայի, Գերմանիայի, ֆրանսիայի, Իսրայելի օրինակներով: Դրա համար շատ մեծ ջանք ու խելք էլ ունենալ պետք չէ, ուղղակի վերցնել ու կրկնել այն, ինչը աշխարհը ծրագրված տանում է առաջ, բայց չգիտես ինչու, մենք ձգտում ենք ստրկության. միգրացե մեր պատմությունն է սխալ, հեքիաթներն են վատը, փիլիսոփայությունն է սկար կամ մտավորականներն են նյութապաշտ: Հուսանք՝ իշխանությունները կանեն ճիշտ հետևություններ, և 22-րդ դարը կդիմավորենք որպես ազատ, անկախ, հզոր հայրենիք ունեցող մարդիկ:

**Հակոբ Սարիբեկյան
Վերին Գետաշեն**

ՆՐԱՆՔ ՀԱՎԱՏԱՐԻՄ ԵՆ ԻՐԵՆՑ ԵՐԴՄԱՆԸ

Արդեն մի քանի ամիս է, ինչ հանրապետությունում բժիշկները գիշեր ու ցերեկ առանց հանգստանալու պայքարում են համավարակի և պատերազմի ժամանակ վիրավորված մարդկանց փրկելու համար: Այդ աշխատանքին ամենասն չի մնում Գեղարքունիքի մարզի Սևան քաղաքի հիվանդանոցի կորոնավիրուսի բաժանմունքը, որը ղեկավարում է Գևորգ Ստեփանյանը: Մենք միշտ բժշկին դիմում ենք, երբ արդեն շատ ուշ է, դա մեր սովորությունն է, որը բացասական դեր է խաղում այսօրվա համաճարակի պայմաններում, քանի որ այն հաշված ժամերի ընթացքում կարող է ավտահարել մարդու օրգանները, և մարդը մեծ հավանականությամբ կարող է իրաժեշտ տալ կյանքին: Գևորգ Ստեփանյանը և բաժանմունքի անձնակազմը փորձում են անհնարինը դարձնել հնարավոր:



որ մենք ունենք կազմակերպված, մասնագիտացված և աշխատանքային փորձով հարուստ կուլեկտիվ՝ բժիշկներից մինչև մաքրուհիներ: Հարգելի՛ ծնողներ և ուսուցիչներ, տվե՛ք հնարավորություն ձեր երեխաներին, որ իրենք իրենց գտնեն կյանքում, մի՛ նյութակաճացրեք ամեն ինչ, միշտ իմացե՛ք՝ նախ մենք պետք է արժանին տանք աշխարհին, հետո նոր մեր արժանիքների դիմաց ստանանք: Հարգելի՛ երեխաներ, օրինակ վերցրե՛ք Գևորգ Ստեփանյանից և իր կուլեկտիվից, փորձե՛ք բարձրանալ կյանքի և առողջության քաղաքակրթության վերջին սանդուղքը, իսկ Սևանի կորոնավիրուսային բաժանմունքի կուլեկտիվը գիշեր ու ցերեկ փրկում է կյանքեր, այդ թվում և իմը:

**«1+1» դպրոցական թերթի
գլխավոր խմբագիր
Մարտին Թովմասյան**

րենն ավելի կմեծանան հիվանդի առողջանալու հնարավորությունները: Մեր մարզի հիվանդ բնակիչներին տրվել է բուժվելու լավ հնարավորություն, քանի

ՎԱՐԴԵՆԻԿԻ ՀԵՐՈՍՆԵՐԸ

/սկիզբը՝ էջ 1-ում/
Թե՛՛ կռվի պահին ընկերներից մեկը գոռում է, թե Արսենն ընկավ: Հրամանատարը, տեսնելով Արսենի կրծքավանդակից հոսող արյունը, նրան զրկած փորձում է տեղափոխել և այդ ժամանակ վիրավորվում է նաև ինքը: Վերջին անգամ մոր հետ խոսելիս ասել էր՝ մնաց 98 օր, սակայն շրջափակման մեջ ընկնելով 98-երորդ օրը նա անմահացավ բեկորային վնասվածքից: Երազանքները մնացին կիսատ:

Հերոս Տիգրան Արշակյանի նախնիները եկել են Մուշից: Նա իր պապերի արժանի զավակն էր և անմահացավ, որ մենք խաղաղ ապրենք: Արշակյանները հասարակության արժանի մարդիկ են, պատվով են դուրս գալիս բոլոր փորձություններից, մասնագիտացված են թե՛ գյուղատնտեսության, թե՛ շինարարության և թե՛ բժշկության մեջ:

«Տիգրան Մեծ», - այդպես նրան բնորոշեց դպրոցի տնօրեն պարոն Ալոյանը, - նա առաջնորդ էր, խելացի, մարդամոտ, ընկերասեր, վայելում էր հասարակության սերը և հարգանքը: Դասավանդող ուսուցիչները նրան որակավորում են որպես լավ վարքի տեր աշակերտ, նպատակասլաց էր, ձգտում էր ինքնուրույն հասնել իր նպատակներին: Շատ է սիրել մեքենա վարել, հմուտ վարորդ է եղել, մարտական գործողություններից հետո թշնամու թողած մեքենաներից մեկը բերում է և ասում, որ սա իրենց պետք է գալու: Ցանկացած իրավիճակից դուրս գալու ելք է կարողացել գտնել:

Ընկերները պատմում են, որ երբ ԱԹՍ-ն սկսել է հրետակոծել, իրենք նահանջել են՝ թողնելով այնտեղ իրենց զենքը, սակայն գիշերը Տիգրանը ըկերոջ հետ կարողացել է մոտենալ զենքին և նրա վրայից հանել կարևոր դետալը և հետ բերել: Տիգրանը ոտքից վիրավորվում է, այդ վիճակում «ՈւԱՁ» մեքենան վարում է 130 կմ և ընկերներին հասցնում՝ փոքր հոսպիտալ և էլի հետ վերադառնում դիրքեր: Հոկտեմբերի 10-ին երկրորդ անգամ Տիգրանը վիրավորվում է / Արսենի մահամալուց 30 րոպե առաջ /, 4 ընկերներով նրան մեքենայով տեղափոխում են և

հենց այդ պահին ԱԹՍ-ն հրթիռակոծում է ամբողջ տարածքը: Ընկերները ասում են, որ միջև այդտեղ էլ Տիգրանի շնորհիվ իրենք փրկվեցին: Ընկերները նրան տեղափոխում են Գորիսի հոսպիտալ, առաջին օգնություն ցուցաբերելուց հետո նրան տեղափոխում են Երևան, սակայն նա գտնվում էր կոմայի մեջ, բայց երբ մայրը ծայն է տալիս, նրա աչքից արցունք է գալիս: Հոկտեմբերի 14-ին նա մահացավ. մայրը կողքին էր:

«Նա շատ ուրախ էր, որ բանակ էր գնալու, քե՛ք արեցինք, հիշում են, երբ արդեն ճանապարհում էինք, բոլորս լացում էինք. փաթաթվեց ինձ ու ասաց, որ երկու տարին շուտ կանցնի, կծառայի ու կգա»:

Ծառայության ընթացքում ոչ մի անգամ չի բողոքել, շատ ուրախ էր, ծառայությունը շատ լավ էր անցնում, ծառայում էր Մեղրիում: Ես միաժամանակ և՛ հպարտ եմ, և՛ տխուր, որովհետև ինքը իմ ու իմ ընտանիքի հույսն էր, Տիգրանը իմ ամուր թիկունքն էր, ունով ես հպարտացել եմ, հպարտանում եմ ու դեռ հպարտանալու եմ:

Տիգրանի ուսուցչուհիներից մեկը պատմում է, որ նա շատ ընկերասեր էր, ընդունակ էր: Հպարտ ենք մեր Տիգրանով. արցունքները խեղդելով և ցավը թաքցնելով Արշակյանները հորդորում էին, որ համախմբված մնանք, որ հայրենիքը ամենամակիրական բանն է. իրենց որդին անմահացավ, բայց իր հետևից թողեց մաքուր և անաղարտ քաջ զինվորի տոկուն հոգին:



**1+1 թերթի խմբագրություն,
Վարդենիկի Ռ. Հովհաննիսյանի
անվան թիվ 1 հիմնական դպրոց**

2

ԻՄ ՊԱՐՏՔՆ ԵՄ ԿԱՏԱՐՈՒՄ



Ավետիք



Արմեն



Արսեն



Արման

«1 + 1» դպրոցական թերթի խմբագրությունը և Գեղարքունիքի միջ-
նակարգ դպրոցի ուսուցիչներն ու աշակերտները ջերմորեն շնորհավո-
րում են Հայոց բանակի անվեհեր հայորդիներ Ավետիք Սևակի Ավե-
տիսյանին, Արմեն Վարդանի Հարոյանին, Արման Վարուժանի Վար-

դանյանին և Արսեն Արամի Հարոյանին՝ ծննդյան օրվա առթիվ:
Ցանկանում ենք, որ նրանք պատվով կատարեն իրենց պարտակա-
նությունները և անփորձանք վերադառնան տուն:

ԱՐԱՆԱՍ ԱՅՎԱԶՅԱՆ



Օրերս զրուցեցինք մար-
տական գործողություննե-
րի մասնակից, Պաշտպա-
նության բանակի զինվոր
Արահան Այվազյանի հետ,
ով վիրավորվելուց հետո
բուժվում էր Հայաստանի
հոսպիտալներից մեկում:
Նա պնդում է, որ ծառայու-
թյան երկու տարին շատ
բան է փոխում մարդու
կյանքում. «Նոր ընկերներ
ես ծեռք բերում, ու կարող
եմ ասել բանակի ծառայու-

թյան շնորհիվ մենք
դառնում ենք իս-
կական տղամարդ,
ու շատ բան է փոխ-
վում մեր գիտակ-
ցության մեջ»:

Արահանը հոկ-
տեմբերի 14-ին վի-
րավորում է ստա-
ցել, բայց չցանկա-
ցավ խոսել այդ մա-
սին. միայն մտա-
ծում է շուտ ապա-
քինվելու և զորա-
մաս վերադառնա-
լու մասին: Արա-
հանը մշտ, որ հայ-
րենասեր է այն
մարդը, ով այս դժ-
վարին օրերին եղել
է զինվորի կող-

քին: Արահանի և մյուս
զինվորների շնորհիվ մենք
հիմա կանք, ապրում ենք ու
խոնարհվում բոլոր նահա-
տակված զինվորների
առջև, ովքեր տվեցին
իրենց կյանքը, որ մենք
ապրենք:

Շնորհակալություն ենք
հայտնում Արահանի
ծնողներին այսպիսի խի-
զախ, քաջ ու հայրենասեր
որդի դաստիարակելու հա-
մար:

ԾՆՈՒՆԴԴ ԵՆՈՐՀԱՎՈՐ, ՀԱՅ ԶԻՆՎՈՐ

Օրերս Սերգեյ Արահանյանը դարձավ
19 տարեկան: Սերգեյը սովորում է
ԳՊՀ-ի ԲՖ-ի համակարգչային ճարտա-
րագիտություն բաժնում: Մեկ կիսամյակ
սովորելուց հետո զորակոչվել է բանակ:
Ծառայում է Սարտակերտի 5-րդ պաշտ-
պանական գումարտակում:

Պատմում է մայրը.
-Պատերազմից 2 օր առաջ էր իջել
դիրքերից. հերթական հերթափոխն էր:
Սեպտեմբերի 27-ի առավոտյան զանգեց
տուն ու սովորականի պես խոսեց, ան-
ջատեց: Հետո իմացա, որ Արցախում
լայնամասշտաբ հարձակում է սկսել
Ադրբեջանը, ու նա նորից դիրքերում է:

10 օր հետո միայն իմացա, որ զորա-
մասը պայթեցրել են պատերազմի
առաջին օրը, իսկ տղաս եղել է զորա-
մասի ներսում: Մինչև հիմա չգիտեմ, թե
ինչ հրաշքով է փրկվել, ու այդ ամենը
դեռ սկիզբն էր դժոխքի: 44 օր ռազմա-
կան ավիացիայի, ԱԹՍ-ների ու չփտեմ,
թե էլ ինչ գերժամանակակից ռազմա-
տեխնիկայի հարվածների տակ կռվեցին
ու դիմակայեցին: Այդ 44 օրվա ընթաց-
քում, լինելով առաջնագծում, առանց
հերթափոխի, ոչ մի անգամ չեմ հիշում
մի օր, որ տրտնջար: Ամեն անգամ ասել
է. «Ամեն ինչ նորմալ, ամեն ինչ լավ»:
Խոսելու ընթացքում այնպիսի պայթու-
ների ձայներ էի լսում, որ միայն ֆիլմե-
րում էի լսել, ու ամեն անգամ շտապ ան-
ջատում էր հեռախոսը: Իսկ հաջորդ
զանգին հավատացնում էր, որ երևի ռա-



ցիայի ձայնն են լսել, կամ երևի ականջ-
ներիս են ձայն տվել: Հեռախոսը անջա-
տելուց հետո տազնապը մեջս էր մտնում
մինչև հաջորդ հեռախոսագանգ: Ամեն
հեռախոսագանգից ցնցվում էի, վախե-
նում, իսկ այն օրը, երբ չէր զանգում,
շունչս պահած կարողում էի զոհվածների
անունները:

Թող որ բոլոր զինվորները անփոր-
ձանք վերադառնան տուն, և թող որ ոչ
մի մայր չսգա իր որդու կորուստը:
Անահիտ Արահանյան

Ո՞Վ ԵՆՔ ՄԵՆՔ

Բարև Ձեզ, հարգելի ընթերցողներ, ես ապ-
րում եմ Վարդենիս քաղաքում, հայրս մեկ-
նում է արտագնա սեզոնային աշխատանքի,
մայրս զբաղվում է մեր տնամերձ հողամասով,
աճեցնում ենք ամեն ինչ, ստացված մթերքը
պահածոյացնում ենք ձմեռվա համար: Ունեմ
երկու քույր, մեծը արդեն ամուսնացած է, ու
ամուսինը հորս հետ մեկնում է արտագնա աշ-
խատանքի, իսկ մյուս քույրս ինձանից փոքր
է: Ես սիրում և հարգում եմ իմ ուսուցիչներին,
չէի ասի, որ ես շատ լավ եմ սովորում, բայց
վատ էլ չեմ սովորում: Մենք ապրում ենք երկ-
հարկանի մեծ տանը, որը ունի շատ սենյակ-
ներ, բոլոր սենյակները կահավորված են,
բայց ապրում ենք առաջին հարկի սենյակնե-
րից մեկում, որտեղ դրված է վառարանը: Ու-
նենք ավտոմեքենա, ցավոք, ես դեռ այն վարե-
լու իրավունք չունեմ: Երբ հայրս վերադառ-
նում է արտագնա աշխատանքից, մայրս տան
համար մի նոր բան է առնում, որպեսզի ուրիշ-
ներից հետ չմնանք: Անցած տարի վաճառե-
ցինք մեր հին մեքենան և նոր մոդելի մեքենա
զնեցինք:

Երբ սկսվեց պատերազմը, հայրս Հայաստա-
նում չէր, ինչպես միշտ, մեկնել էր արտագնա

աշխատանքի: ԱԹՍ-ների հարձակումից
Վարդենիս քաղաքը խուճապի մեջ էր, բոլորը
փնտրում էին ապահով վայր՝ դեպի այլ մար-
զեր, բարեկամների մոտ: Մենք էլ էինք ուզում
զնալ, բայց չստացվեց, քանի որ մեր մեքենա-
յի մարտկոցը ես տվել էի իմ ընկերոջը, ով հո-
վիվ էր և իր ոչխարի հոտի հետ սարերում էր:
Երկու օր անց ես հասկացա, որ մենք ճիշտ
ենք վարվել և չենք հեռացել մեր տնից. ես
շատ եմ սիրում մեր տունը:

Այդ երկու օրը, ինչ մենք տեսանք և լսեցինք,
իմ կյանքում շատ բան փոխեցին մինչ այդ
կյանքի հանդեպ ունեցած իմ պատկերացում-
ներում:

Պատերազմը ավարտվեց մեր հայրենիքի
համար շատ ցավալի ելքով:

Դպրոցում երբ երեխաներով կռվում էինք,
ես միշտ թույլի կողմն էի անցնում, երևի դա է
պատճառը, որ հիմա ես ավելի քան առաջ
զգում եմ պատասխանատվություն մեր հայրե-
նիքի հանդեպ. պատերազմը ցույց տվեց մեր
թույլ կողմերը:

Եթե մինչ այդ ինձ հարցնում էին՝ ինչ եմ ու-
զում դառնալ, ես հակված էի մտածել, որ հորս
հետ կմեկնեմ արտագնա աշխատանքի, փող

կաշխատեմ, Երևանում բնակարաններ
կզնեք, վարձով կտանք, իսկ հիմա...

Զգիտես ինչու, իմ մոտից անհետացավ նյու-
թապաշտական զգացողությունը, իսկ տեղը
ամուր մխրճվեց պատասխանատվության
զգացումը իմ բարեկամների, համաքաղաքա-
ցիների, կարիքավորների և ուղղակի լավ
մարդկանց նկատմամբ:

Ես որոշել եմ սովորել Երևանի պետական
համալսարանի պատմության ֆակուլտետում
ու ավելի հասու լինել ճշմարտությանը, քանի
որ մեր դասագրքերում ամեն ինչ չէ, որ գր-
վում է մեր պատմությունից:

Ես որոշել եմ ուսումնասիրել մեր պատմու-
թյան ոչ միայն դրական, այլ նաև սև և խայ-
տառակ էջերը: Երևի թե նրա համար, որպես-
զի հասկանամ ո՞վ ենք մենք: Այս հողվածը
գրելուց երկու օր առաջ քույրս ինձ հարցրեց,
թե ես ուզու՞մ եմ դառնալ պատմաբան: Ես ըն-
կա մտորումների մեջ. երևի թե
պատմաբան դառնալը իմ երազան-
քը չէ, երևի ինձ պետք է հասկա-
նալ մեր ինքնությունը,

/շարունակությունը էջ 4-ում/

ՆՐԱՆՔ ԶՈՇՎԵՑԻՆ ՀԱՆՈՒՆ ՀԱՅՐԵՆԻՔԻ



Գևորգ

զանքը՝ կիպարտանա Արցախի ազատագրման լուրը զգալով: Հայրենիքը վեր դասեց ամենից, բայց հայրենիքը չխնայեց նրա կյանքը:

Ծովագարդի հողը իր գիրկն առավ նաև ծնունդով արցախցի հերոս Էրիկ Գնեյի Ավանեսյանին /ծնված 27.12.2000 թվականին/:

Էրիկը 2006-2018թթ. հաճախել է Արցախի Հանրապետության Ասկերանի շրջանի Շոշի Սարգիս Աբրահամյանի անվան միջնակարգ դպրոց: 2018 թվականին ընդունվել է Շուշիի Տեխնոլոգիական համալսարան: 2019 թվա-



Էրիկ



Շախեն

2020 թվականի սեպտեմբերի 27-ի հայ-ադրբեջանաթուրքական պատերազմի մասնակցությանը անմասն չմնացին Գեղարքունիքի մարզի Ծովագարդ համայնքի որդիները, ովքեր հայրենիքին իրենց պարտքը կատարելիս անմահացան՝ իրենց երազանքները կիսատ թողնելով:

Գևորգ Սարգսյանի Գալոյանն ապրում էր հոր, մոր, տատի, քրոջ ու եղբոր հետ: Մանկուց երազել էր կրել զինվորականի համազգեստը, սպասում էր դպրոցը ավարտելուն. միշտ շտապում էր...

Շտապում էր թոպե առաջ հասնել դպրոց, մասնակցել վերջին զանգի փորձերին, չէր սիրում ուշանալ ցանկացած հանդիպումից, ամենուր կար, ամենուր նկատելի էր դառնում, լցնում էր օրն իր ներկայությամբ ու իր հունորներով: Խնդրում է դաստիարակ, որ վերջին զանգի վերջին խոսքը իրենը լինի, և եղավ...

Գնաց ու դարձավ Ծովագարդի անմահ հերոս:

Շախեն Աշոտիկի Ղարիբյանը անմահացավ իր երազանքները թողնելով Շուշիի ճանապարհին: Ռազմաճակատ մեկնելիս նրա մտքում իր ընտանիքն էր, իր գյուղը, պատերազմի արհավիրքով անցած իր ժողովուրդը: Ծովագարդի հայրողին ևս նվիրեց իր կյանքը հայրենիքին, նվիրեց ու լքեց բոլոր հարազատներին, ընկերներին ու համազգյուղացիներին վստահ լինելով, որ մի օր կկատարվի իր երա-

կանի հունվարի 21-ին գորակոչվել է Արցախի Հանրապետության ՊԲ: Էրիկը պայքարել է մինչև արյան վերջին կաթիլը ու զոհվել 2020 թվականի նոյեմբերի 10-ին:

Էրիկն ու իր հայրը Արցախյան գոյամարտի ժամանակ պայքարել են նույն դիրքերից: Հայրը՝ Գնեյը՝ վիրավորվելով շրջվել է ու ասել որդուն. «Էրիկ, ես վիրավոր եմ, զոհվե՛մնա»:


Շուռ գալով տեսել է, որ որդին արդեն

զոհվել է: Բանիմաց, խելացի ու հայրենասեր հայորդին զոհվել է հանուն հայրենիքի, հանուն թիկունքի ու հանուն խաղաղության: Երբևիցե չմտածելով նահանջի մասին՝ զինվորն առաջ է գնացել ու չի խնայել անգամ կյանքը:

Գլուխ ենք խոնարհում բոլոր այն մայրերի առջև, որոնց զավակները անմահացան հանուն մեզ:

**1+1թերթի խմբագրություն,
Ծովագարդի միջնակարգ դպրոց**

ԱՆՆԱ ԳԵՂՈՋՅԱՆ



Ո՞Վ ԵՆՔ ՄԵՆՔ

Սկիզբը՝ էջ 3-ում/

Իսկ ես ավելի շատ կուզեի դառնալ մարզպետ, աշխատել մեր մարզի զարգացման համար:

Երեկ լսեցի, թե ինչպես հայրս մորս առաջարկեց տեղափոխվել Ռուսաստանի Դաշնություն բնակության, քանի որ այս ծնունդը ինքը չի գալու՝ աշխատանքը չի ավարտել և մյուս կողմից էլ վախենում է, որ համավարակի պատճառով կարող են չվերթեր չլինել:

Հորս այս միտքը իմ պլանների մեջ չի մտնում, բայց ես այդքան էլ չեմ տխրում, քանի որ այս հարցում մայրս գաղափարակից է իմ հետ. դժվար թե հայրիկիս հաջողվի համոզել երկուսիս:

Այս հոդվածի հեղինակը Վարդենիս քաղաքի դպրոցներից մեկի բարձր դասարանի աշակերտներից է, ով ցանկանում է մնալ անհայտ:



ԿՐԻՐ ԴԻՄԱԿ, ՓՐԿԻՐ ԿՅԱՆՔԵՐ

4 «ՀՀ Գեղարքունիքի մարզի Գեղարքունիք գյուղի միջնակարգ դպրոց» ՊՈԱԿ
Հասցե՝ Գարեգին Նժդեհի փ. 1
Փոստային դասիչ՝ 1207
Թողարկման օրը՝ 27. 12. 2020 թ.

Խմբագիր և համարի պատասխանատու՝ Ռոզա Հակոբյան
Տպագրանակը՝ 2000
Հեռախոս՝ 093919658:
Էլ. փոստ՝ roza.hakobyan.1975@mail.ru
Կայք էջ՝ 1b1.hայ, 1u1.am